

## К ОПУБЛИКОВАНИЮ

### КОМИ РЕСПУБЛИКАЛӨН ОЛАНПАС

#### Культура юкёнын, библиотека удж юкёнын Коми Республикаса өткымын оланпасё вежсьёмьяс пыртём йылысь

Примитёма Коми Республикаса  
Каналан Сөветөн

2023 вося лөддза-номья тöлысь 21 лунö

**1 статья.** Пыртны “Культура йылысь” Коми Республикаса Оланпаслөн 3 статьяö (Красное знамя, 1995, тöвшөр тöлысь 19 лун; Коми Республикаса канму власьт органьяслөн индöд-тшöктöмьяс, 2003, 3 №, 2450 ст.; 2007, 2 №, 4692 ст.; 2008, 9 №, 400 ст.; 2009, 11 №, 177 ст.; 2014, 9 №, 117 ст.; 2015, 21 №, 279 ст.; 2016, 17 №, 238 ст.; 2017, 24 №, 423 ст.; 2019, 15 №, 217 ст.; 2021, 16 №, 283 ст.; 18 №, 326 ст.; 2022, 10 №, 148 ст.) татшöм вежсьёмьяс:

1) 2 юкёнын:

а) квайтöд абзацö “библиотекаясөн могмöдöмсö” кывьяс бöрын содтыны “, тайö библиотекаяслысь библиотека фондьяс комплектуйтöмсö да видзöмсö” кывьяс;

б) öкмысöд абзацын “котыртём” кыв вежны “лöсьöдём” кывйөн;

2) 4 юкөн гижны тадзи:

“4. Коми Республикаса Веськöдлан котыр либö сыөн уполномочитём Коми Республикаса олёмö пöртысь власьт орган вермöны:

сетны отсöг йöзкостса мичаторьяс организацияслы, кодьяслысь лыддьöгсö вынсьöдö Россия Федерацияса Веськöдлан котырён уполномочитём федеральной олёмö пöртысь власьт орган, Россия Федерацияса оланпастэчас да Коми Республикаса оланпастэчас серти;

пырöдчыны Коми Республика мутасын меститчысь библиотекаяслысь библиотека фондьяс комплектуйтöмсö да видзöмсö котыртёмö, кутшöмьясöс учредитысьясөн лöны федеральной канму власьт органьяс либö меставывса асвеськöдлан органьяс;

Коми Республика мутасын меститчысь музейскöд öтув уджалёмөн пырöдчыны Россия Федерацияса музей фондлысь канму юкөн, кытчö пырёны федеральной эмбурö пырысь музейса предметьяс да музейса коллекцияс, да Россия Федерацияса музей фондлысь абу канму юкөн, кытчö пырёны муниципальной эмбурö пырысь музейса предметьяс да музейса коллекцияс, видзёмö да содтёмö.”.

**2 статья.** Пыртны “Коми Республикаын библиотека удж да документьяслөн быть колана экземпляр юкёнын өткымын юалём йылысь” Коми Республикаса Оланпаслөн 3 статьяö (Коми Республикаса канму власьт органьяслөн индöд-тшöктöмьяс, 2008, 7 №, 331 ст.; 2010, 10 №, 200 ст.; 2014, 17 №, 310 ст.; 35 №, 727 ст.; 2015, 21 №, 279 ст.; 2016, 21 №,

319 ст.; 2022, 13 №, 200 ст.) татшөм вежсьөмъяс:

1) 1 юкөнса 4 пунктö “библиотекаясөн могмөдөмсö” кывъяс бöрын содтыны “, тайö библиотекаяслысь библиотека фондъяс комплектуйтöмсö да видзöмсö” кывъяс;

2) содтыны татшөм сюрöса 3 юкөн:

“3. Коми Республикаса Веськөдлан котыр либö сыөн уполномочитöм Коми Республикаса олөмö пöртысь власьт орган вермöны пырöдчыны Коми Республика мутасын меститчысь библиотекаяслысь библиотека фондъяс комплектуйтöмсö да видзöмсö котыртöмö, кутшöмъясöс учредитысьясөн лоöны федеральной канму власьт органъяс либö меставывса асвеськөдлан органъяс.”.

**3 статья.** Тайö Оланпасыс вынсялö сийöс официальнöя йöзöдан лунсянь.

Коми Республикаса Веськөдлан котырлы лöсьöдны ассьыс нормативнöй инöда актъяссö тайö Оланпас серти.

Коми Республикаса Юралысь

В.В. Уйба

Сыктывкар

2023 вося лөддза-номъя тöлысь 27 лун

45-РЗ №